



Привремена заједничка комисија оба дома
Парламентарне скупштине БиХ за спровођење
процедуре за именовање два замјеника генералног
ревизора Канцеларије за ревизију институција Босне
и Херцеговине

Privremena zajednička komisija oba doma Parlamenta
skupštine BiH za provođenje procedure za imenovanje
dva zamjenika generalnog revizora Ureda za reviziju
institucija Bosne i Hercegovine

Privremeno zajedničko povjerenstvo obaju domova
Parlamenta me skupštine BiH za provođenje procedure za
imenovanje dva zamjenika generalnog revizora Ureda za
reviziju institucija Bosne i Hercegovine

Broj:01,02-50-16-594-5,2/23
Sarajevo, 30. 5. 2023.

**PARLAMENTARNA SKUPŠTINA BiH
DOMU NARODA
PREDSTAVNIČKOM DOMU**

Na osnovu člana 55. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20 i 53/22), člana 45. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/18, 88/15, 96/15, i 53/16), člana 24. Zakona o reviziji institucija Bosne i Hercegovine („Službeni glasnik BiH“, broj 12/06) i Zaključka oba doma Parlamentarne skupštine Bosne i Hercegovine o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje dva zamjenika generalnog revizora Ureda za reviziju institucija Bosne i Hercegovine („Službeni glasnik BiH“, broj 16/23 od 10. 3. 2023), Privremena zajednička komisija oba doma Parlamentarne skupštine Bosne i Hercegovine za provođenje procedure za imenovanje dva zamjenika generalnog revizora Ureda za reviziju institucija Bosne i Hercegovine je na 5. sjednici, održanoj 30. 5. 2023, usvojila te Domu naroda i Predstavničkom domu Parlamentarne skupštine Bosne i Hercegovine podnijela sljedeći

**IZVJEŠTAJ
o utvrđivanju rang-liste kandidata za imenovanje
dva zamjenika generalnog revizora Ureda za reviziju institucija
Bosne i Hercegovine**

I. Imenovanje članova Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje dva zamjenika generalnog revizora Ureda za reviziju institucija Bosne i Hercegovine

Parlamentarna skupština BiH je na 2. sjednici Doma naroda, održanoj 2. 3. 2023, i na 3. hitnoj sjednici Predstavničkog doma, održanoj 9. 3. 2023, Zaključkom o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje dva zamjenika generalnog revizora Ureda za reviziju institucija Bosne i Hercegovine, broj: 01,02-34-1-272-1/23 od 9. 3. 2023, imenovala članove Privremene zajedničke komisije

oba doma Parlamentarne skupštine Bosne i Hercegovine za provođenje procedure za imenovanje dva zamjenika generalnog revizora Ureda za reviziju institucija Bosne i Hercegovine (u daljnjem tekstu: Privremena zajednička komisija) u kojoj su iz Predstavničkog doma sljedeći članovi: Nermin Mandra, Darijana Filipović i Miroslav Vujičić, a iz Dom naroda sljedeći članovi: Sredoje Nović, Ilija Cvitanović i Kemal Ademović.

II. Zadatak i hronologija rada Privremene zajedničke komisije

Shodno članu 24. Zakona o reviziji institucija Bosne i Hercegovine („Službeni glasnik BiH“, broj 12/06) i Zaključka oba doma Parlamentarne skupštine Bosne i Hercegovine o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje dva zamjenika generalnog revizora Ureda za reviziju institucija Bosne i Hercegovine („Službeni glasnik BiH“, broj 16/23 od 10. 3. 2023), zadatak Privremene zajedničke komisije bio je usvajanje potrebnih akata o svom radu, te provođenje procedure oglašavanja i predlaganje domovima kandidata za imenovanje dva zamjenika generalnog revizora Ureda za reviziju institucija Bosne i Hercegovine.

Kako bi realizirala svoj zadatak, Privremena zajednička komisija održala je ukupno pet sjednica.

Konstituirajuća sjednica održana je 27. 3. 2023. Na ovoj sjednici članovi Privremene zajedničke komisije jednoglasno su za predsjedavajućeg izabrali Sredoja Novića, za prvu zamjenicu predsjedavajućeg Darijanu Filipović i za drugog zamjenika predsjedavajućeg Kemala Ademovića.

Privremena zajednička komisija je na 2. sjednici, održanoj 27. 3. 2023, usvojila Poslovnik o radu. Poslovnikom su propisani: način rada Privremene zajedničke komisije, raspisivanje i uslovi javnog konkursa, rad po okončanju javnog konkursa, javnost rada, kriteriji za ocjenjivanje, intervju, odnosno javno saslušanje, utvrđivanje rang-liste kandidata, te prijelazne i završne odredbe. Na istoj sjednici je Privremena zajednička komisija na osnovu zakonskih odredbi i odredbi Poslovnika o radu donijela Odluku o raspisivanju javnog konkursa za provođenje procedure za imenovanje dva zamjenika generalnog revizora Ureda za reviziju institucija Bosne i Hercegovine, te utvrdila tekst javnog konkursa za provođenje procedure za imenovanje dva zamjenika generalnog revizora Ureda za reviziju institucija Bosne i Hercegovine, kao i sadržaj prijavnog obrasca za kandidate i kontrolnog obrasca za ocjenjivanje valjanosti prijava kandidata, nakon čega se pristupilo obavljanju javnog konkursa.

Javni konkurs za provođenje procedure za imenovanje dva zamjenika generalnog revizora Ureda za reviziju institucija Bosne i Hercegovine objavljen je u: „Službenom glasniku BiH“ broj: 22/23 od 31. 3. 2023. i na službenoj veb-stranici Parlamentarne skupštine BiH. Obavještenje o javnom konkursu objavljeno je 31. 3. 2023. u dnevnim novinama „Glas Srpske“, „Večernji list“ i „Oslobođenje“.

Javni konkurs bio je otvoren 15 dana od dana objavljivanja u „Službenom glasniku BiH“ i prijave su se mogle slati zaključno s danom 17. 4. 2023, posredstvom Ureda za reviziju institucija Bosne i Hercegovine. Shodno Zakonu o reviziji institucija Bosne i Hercegovine, Ured za reviziju institucija Bosne i Hercegovine pružao je svu potrebnu administrativno-stručnu pomoć Privremenoj zajedničkoj komisiji.

III. Prijavljeni kandidati, utvrđivanje ispravnosti dostavljene dokumentacije i intervju

U roku utvrđenom za dostavljanje prijava Privremena zajednička komisija zaprimila je ukupno 13 prijava na javni konkurs. Privremena zajednička komisija je na 3. sjednici, održanoj 17. 5. 2023, razmotrila sve pristigle prijave.

Shodno članu 12. Poslovnika o radu, Privremena zajednička komisija je, nakon uvida u pristigle prijave, zaključkom utvrdila da svi prijavljeni kandidati za radno mjesto zamjenika generalnog revizora Ureda za reviziju institucija Bosne i Hercegovine ispunjavaju uslove javnog konkursa (prijave na javni konkurs su uredne, potpune i blagovremene).

Shodno članu 13. Poslovnika o radu Privremene zajedničke komisije, 13 kandidata pozvano je na intervju. Svi kandidati su obaviješteni o datumu, vremenu i mjestu održavanja intervjuja.

Privremena zajednička komisija je na 4. sjednici, održanoj 30. 5. 2023, obavila intervju s kandidatima za zamjenike generalnog revizora Ureda za reviziju institucija Bosne i Hercegovine.

Na intervju se odazvalo 11 kandidata, dok dva kandidata nisu pristupila intervjuu.

Privremena zajednička komisija je shodno Poslovniku o radu utvrdila tipski obrazac za ocjenjivanje, koji su nakon intervjuja popunili članovi Privremene zajedničke komisije.

IV. Utvrđivanje rang-liste kandidata i dostavljanje Domu naroda i Predstavničkom domu Parlamentarne skupštine Bosne i Hercegovine na daljnji postupak

Shodno zakonskim i poslovničkim odredbama, Privremena zajednička komisija je na 4. sjednici, održanoj 30. 5. 2023, utvrdila rang-listu kandidata za imenovanje dva zamjenika generalnog revizora Ureda za reviziju institucija Bosne i Hercegovine, vodeći računa o članu 24. stav (5) Zakona o reviziji institucija Bosne i Hercegovine.

| Red. broj | Ime i prezime | Ocjena kandidata nakon intervjuja koju je dao svaki član Komisije pojedinačno | | | | | | Ukupna konačna ocjena |
|-----------|----------------------|---|----|----|----|----|----|-----------------------|
| | | 1. | 2. | 3. | 4. | 5. | 6. | |
| 1. | Adnan Muharemagić | 25 | 30 | 31 | 30 | 20 | 35 | 28,50 |
| 2. | Bakir Dautbašić | 25 | 35 | 32 | 35 | 39 | 47 | 35,50 |
| 3. | Đinita Fočo | 40 | 38 | 31 | 45 | 40 | 40 | 39,00 |
| 4. | Edna Bojić | 40 | 32 | 31 | 45 | 39 | 41 | 38,00 |
| 5. | Eldina Pleho | 45 | 40 | 40 | 47 | 43 | 43 | 43,00 |
| 6. | Hanifa Ramović | 35 | 38 | 32 | 35 | 20 | 39 | 33,17 |
| 7. | Ilma Mehić-Jusufović | 0 | 0 | 0 | 0 | 0 | 0 | 0 |
| 8. | Mia Buljubašić | 0 | 0 | 0 | 0 | 0 | 0 | 0 |
| 9. | Mirsada Sijamić | 35 | 30 | 32 | 40 | 39 | 41 | 36,17 |
| 10. | Nataša Kulašinac | 30 | 32 | 50 | 40 | 25 | 35 | 35,33 |
| 11. | Neda Močević | 30 | 50 | 50 | 0 | 45 | 47 | 37,00 |

| | | | | | | | | |
|------------|------------------|----|----|----|----|----|----|--------------|
| 12. | Nedžad Hajtić | 50 | 49 | 49 | 50 | 45 | 47 | 48,33 |
| 13. | Radivoje Jeremić | 50 | 15 | 10 | 50 | 41 | 30 | 32,67 |

Na istoj sjednici Privremena zajednička komisija utvrdila je rang-listu kandidata i predlaže Domu naroda i Predstavničkom dom Parlamentarne skupštine na daljnji postupak:

A) Prijedlog kandidata za imenovanje zamjenika generalnog revizora Ureda za reviziju institucija Bosne i Hercegovine iz bošnjačkog naroda:

| Red.broj | Ime i prezime kandidata | Nacionalna/ etnička pripadnost kandidata | Broj bodova |
|-----------|-------------------------|--|----------------|
| 1. | NEDŽAD HAJTIĆ | BOŠNJAK | 48,67 |

B) Prijedlog kandidata za imenovanje zamjenika generalnog revizora Ureda za reviziju institucija Bosne i Hercegovine iz srpskog naroda:

| Red.broj | Ime i prezime kandidata | Nacionalna/ etnička pripadnost kandidata | Broj bodova |
|-----------|-------------------------|--|----------------|
| 1. | NEDA MOČEVIĆ | SRPKINJA | 37,00 |

NAPOMENA: Prilikom usvajanja izvještaja, član Privremene zajedničke komisije iz Predstavničkog doma Nermin Mandra izrazio je sumnju da kandidatkinja Neda Močević ne ispunjava uslove u pogledu radnog staža. Tumačenje koje je dao sekretar – koordinator u ime stručne službe na 3. sjednici bilo je da svi kandidati ispunjavaju uslove za pristupanje intervjuu.

Za izvjestioce o radu i Izvještaju o utvrđivanju rang-liste kandidata za imenovanje dva zamjenika generalnog revizora Ureda za reviziju institucija Bosne i Hercegovine u domovima Parlamentarne skupštine Bosne i Hercegovine, Privremena zajednička komisija odredila je:

- Iz Doma naroda – **Sredoja Novića**, predsjedavajućeg Privremene zajedničke komisije,
- Iz Predstavničkog doma – **Darijanu Filipović**, prvu zamjenicu predsjedavajućeg Privremene zajedničke komisije.

Predsjedavajući Privremene
zajedničke komisije
Sredoje Nović

